



Broj: 06-20- 631 /23  
Travnik, 16.03. 2023.godine

Na osnovu člana 125. a u vezi sa članom 123. Zakona o organizaciji organa uprave u Federaciji BiH ( «Sl. novine FBiH», br. 35/05 ), člana 51 , a u vezi sa članom 35 i 46 Zakona o slatkovodnom ribarstvu ( «Sl. novine FBiH», br. 64/04) i člana 200. Zakona o upravnom postupku ( «Sl. nov. FBiH», br. 2/98 , 48/99 ) poljoprivredna inspekcija rješavajući po zahtjevu Udruge sportskih ribolovaca Vitez za nadoknadu štete ribljem fondu u rijeci Lašvi koja je nastala naglim ispuštanjem mulja iz akumulacije MHE „ Vitez 1 „ poljoprivredna inspekcija donosi :

## **R J E Š E N J E**

1. Zabranjuje se poduzeću „ MHE Vitez 1 „ do.o. Vitez naglo ispuštanje vode i mulja iz akumulacije MHE Vitez 1 u vrijeme velikih kiša i nalaže se redovno godišnje čišćenje akumulacije od mulja i smeća u vrijeme najnižeg vodostaja , a što je predviđeno vodnom dozvolom i općim aktom u cilju preveniranja incidentnih situacija .
2. Nalaže se poduzeću „MHE Vitez 1 „ da naruči i financira izradu Programa revitalizacije životnih zajednica u rijeci Lašvi na dijelu korita nizvodno od brane MHE Vitez 1 sve do granice između Srednjobosanskog i Zeničko-dobojskog kantona
3. Program revitalizacije životnih zajednica je potrebno da bude urađen od strane jedne od ovlaštenih naučno-stručnih institucija sa područja ribarstva .( Poljoprivredni fakulzeničko-dobojskog tet Sarajevo , Agronomski fakultet Mostar , prirodno-matematički fakultet Sarajevo i druge)
4. Nalaže se da nakon urađenog Programa revitalizacije životnih zajednica na osnovu i u skladu sa Programom sklopi pisani sporazum o nadoknadi štete ribljem fondu sa Sportsko ribolovnim društvom Vitez a koju je poduzeće pričinilo naglim ispuštanjem vode i mulja iz akumulacije MHE koje se godinama nakupljalo a nije čišćeno .
5. Da nadoknadu pričinjene štete ribljem fondu izvrši na način da izvrši revitalizaciju biljnog i životinjskog svijeta i da nadoknadi troškove sanacije dijela korita koji je naveden u tački 1 dispozitiva i da snosi sve troškove praćenja obnove živog svijeta u istom , prema Programu revitalizacije .  
Rok za izradu Programa revitalizacije životnih zajednica je 3 mjeseca od prijema rješenja .  
Rok za sklapanje pisanog sporazuma za nadoknadu štete ribljem fondu i za izvršenje radova na sanaciji korita je 10 dana od izrade Programa revitalizacije .  
Jedan primjerak Programa revitalizacije i Sporazuma o nadoknadi štete je potrebno dostaviti u prostorije poljoprivredne inspekcije radi praćenja izvođenja radova predviđenih Programom.  
Žalba ne odlaže izvršenje Rješenja .  
U slučaju neizvršenja rješenja inspekcija će biti prinuđena da poduzme ostale zakonom propisane mjere i sankcije .

## **O b r a z l o Ź e n j e**



Udruga sportskih ribolovaca „ Vitez „ iz Viteza se obratila pismenim putem za izlazak nadležne inspekcije zbog ekocida na rijeci Lašvi koji je nastao dizanjem ustava na brani „MHE Vitez 1 „ pri čemu je iz akumulacije ispušten mulj i smeće u rijeku . Primijećeno je da koritom teče velika količina mulja i smeća dana 21.01. 2023. godine o čemu je obaviještena vodna inspekcija u policija . U toku uviđaja koji je izvršen dana 09.02. 2023. godine je zatečeno da se ostaci mulja još nalaze na obalama akumulacije MHE i da rijeka teče po sredini a sa bočnih strana su vidljive bile naslage mulja . Predočene su na uvid fotografije sa lica mjesta koje su sačinjene u vrijeme velikih kiša kada je ispušten mulj iz akumulacije kao i videosnimak napravljen dronom .

Preuzeti su na uvid uporedni rezultati analize uzoraka vode koja je uzeta iz rijeke Lašve iznad akumulacije MHE , rezultati analize vode u kojoj se nalazio mulj nizvodno od brane , kod ribarskog doma , i rezultati analize uginule ribe .Rezultati su pokazali da je do masovnog uginuća riba došlo zbog gušenja usljed nedostatka kisika i taloženja mulja na škragama , škržnim poklopcima , usnoj duplji , perajima i tijelu riba . Ribe su bile u potpunosti prekrivene muljem .

Upoređivanjem uzoraka vode je utvrđeno da su količine suspendovanih materija i teških metala , kao i količine azota i fosfora višestruko veće u uzorku vod uzetom ispod brane MHE u odnosu na uzorak uzet iznad akumulacije .

Preuzeta je dokumentacija iz poduzeća radi uvida i kopiranja i utvrđeno je da se vlasnik MHE Vitez 1 nije pridržavao mjera predviđenih u Općem aktu o održavanju , korištenju i osmatranju vodnog objekta , odonosno nije redovno godišnje čistio akumulaciju MHE u skladu sa općim aktom i vodnom dozvolom .

Vodna inspekcija ja na licu mjesta konstatovala u dva navrata 21.01. i 24.01. 2023. godine , da iz akumulacije MHE Vitez 1 je ispušten mulj koji je tekao koritom nizvodno zajedno sa smećom . Vidljivo je bilo prema ostacima mulja na obalama da je visina nataloženog mulja bila 4-6 metara .

Na osnovu navedenog činjeničnog stanja doneseno je Rješenje kao u izreci .

## Pouka o pravnom lijeku

Protiv ovog rješenja može se izjaviti žalba federalnom Ministarstvu poljoprivrede , vodoprivrede i šumarstva f B i H u roku od 8 dana od prijema Rješenja putem ovog ministarstva koja se predaje pismeni ili usmeno na zapisnik taksirana sa 15 KM administrativne takse prema Zakonu o federalnim upravnim taksama i tarifi federalnih upravnih taksi ( Službene novine F B i H br. 6/98 i 8/00 ) . Ukoliko podnositelj žalbe vrši direktnu uplatu putem uplatnice u bankama ista se popunjava na sljedeći način : Svrha uplate : - uplata federalne upravne takse

- Primatelj – Trezor federacije B i H
- Račun primatelja – 1020500000106698
- Broj poreznog obveznika ili JMB za fizičke osobe
- Vrsta prihoda 722 112
- Općina - 077
- Budžetska organizacija – 240 1001

Dostavljeno : 1. „ MHE Vitez 1 „ d.o.o. Vitez

2. Savez sportskih ribolovnih društava sbk/ksb Travnik

3. a/a



INSPEKTOR

Jeika Vasić, dipl. agronom